



Rujukan : JPK/700/5/ Jld. 41 (55)

Tarikh : 25 Oktober 2019

Semua Pengurus

Pusat Bertauliah Jabatan Pembangunan Kemahiran

YBhg. Datuk/Dato'/Datin/Tuan/Puan,

SURAT PEKELILING KETUA PENGARAH PEMBANGUNAN KEMAHIRAN BIL. 1/2019

Panduan Pelaksanaan Sistem Persijilan Kemahiran Malaysia (SPKM) Berasaskan Kredit

Sistem Pensijilan Kemahiran Malaysia (SPKM) telah diperkenalkan pada tahun 1993 dan berkonsepkan Latihan Berasaskan Keterampilan (*Competency Based Training - CBT*), di mana latihan direkabentuk untuk membolehkan pelatih menunjukkan kompetensi mereka untuk melakukan sesuatu. Dalam konteks SPKM, CBT dilaksanakan berasaskan *National Occupational Skills Standard (NOSS)*, di mana ianya dijadikan sebagai rujukan bagi pelaksanaan latihan dan standard pengukuran pencapaian pelatih bagi tujuan persijilan.

2. Selaras dengan pengenalan Kod Amalan Pentauliah Program TVET (*Code of Practice for TVET Programme Accreditation - COPTPA*)

pada tahun 2019, SPKM telah ditambahbaik dengan pelaksanaan sistem kredit bagi memperjelaskan tahap pencapaian dan keterampilan pelatih yang diukur berasaskan keperluan NOSS. Satu (1) kredit dikira bersamaan 40 jam *notional* dan nilai kredit serta gred diberikan berdasarkan pencapaian pelatih.

3. Surat pekeliling ini bertujuan memaklumkan mengenai pemakaian Panduan Pelaksanaan Sistem Persijilan Kemahiran Malaysia (SPKM) Berasaskan Kredit yang dikeluarkan oleh Ketua Pengarah Pembangunan Kemahiran, merangkumi dasar dan polisi Jabatan ini berkaitan pelaksanaan kredit yang diselaraskan mengikut keperluan COPTPA.

4. Surat Pekeliling Ketua Pengarah Pembangunan Kemahiran Bil. 1/2019 berkaitan Panduan Pelaksanaan Sistem Persijilan Kemahiran Malaysia (SPKM) Berasaskan Kredit ini berkuatkuasa mulai **1 November 2019** dan terpakai kepada semua Pusat Bertauliah Jabatan Pembangunan Kemahiran.

'BERKHIDMAT UNTUK NEGARA'
'PEKERJA AMANAH ASPIRASI NEGARA'



(ZAIHAN BIN SHUKRI)

Ketua Pengarah Pembangunan Kemahiran
Jabatan Pembangunan Kemahiran
Kementerian Sumber Manusia

s.k. Semua Pengarah Bahagian
Jabatan Pembangunan Kemahiran